



Saksframlegg

Saksnr:	Utval:	Dato
	Levekårsutvalet	
	Formannskapet	
	Kommunestyret	
	Administrasjonsutvalet	

Sakshandsamar:	Eining for helsetenester	Reidun Sæbdal
	Arkivnr.: 17/2763	Klassering:

Rullering alkoholpolitisk plan Lindås kommune 2016 - 2020

Vedlegg

Revidert alkoholpolitisk plan 2016 – 2020, framlegg frå rådmannen etter høyring 23.10.17. Fråsegn alkoholpolitisk plan for Lindås kommune frå Bygdelaget 5915. Høyringsuttalelse til alkoholpolitisk plan frå ungdomslaget Heimhug. Innspel til alkoholpolitisk plan frå UL Heimhug Revygruppa. Uttale til alkoholpolitisk plan frå Hjelmås mannskor. Innspel til debatt ang. revidert alkoholpolitisk plan for Lindås kommune frå H. Sandvik A/S Entreprenør. Høyringsuttalelse til alkoholpolitisk plan frå Hilde og Lars Alvær Hagesæther. Innspel til høyringsutkast alkoholpolitisk plan frå Samarbeidsutvalet ved Leiknes skule. Høyringsuttale til alkoholpolitisk plan frå Edru Livsstil Nordhordland. Høyringsuttale til alkoholpolitisk plan frå Alver Hotel og Westland Hotel. Oppmoding om endring av alkoholpolitisk plan for Lindås kommune , og søknad om utvida skjenketid Lindås Brygge. Høyringsuttale til alkoholpolitisk plan frå Spar Seimstrand.

Rådmannen sitt framlegg til vedtak

Revidert alkoholpolitisk plan 2016 – 2020 blir vedteken slik den ligg føre.

.....

Saksopplysningar:

Politisk handsaming

Saka skal til uttale i Levekårsutvalet

Saka skal til innstilling i Formannskapet

Saka skal avgjerast i Kommunestyret

Bakgrunn

Framlegg til revidert alkoholpolitisk plan 2016 -2020 er no ferdig frå rådmannen si side etter konkrete innspel frå ulike aktørar i høringsperioden. Rådmannen har motteke 11 innspel i samband med høyringa.

Innspel og vurdering

Rådmannen gir i det følgjande ei oppsummering og vurdering av innspela som er kome inn.

Oppsummering av innspel frå Bygdelaget 5915. Ungdomsslaget Heimhug. Revygruppa ungdomsslaget Heimhug. Hjelmås Mannskor. Hilde og Lars Alvær Hagesæther H. Sandvik A/S Entreprenør.

Frå dei ulike laga i Hjelmåsbygda vert det peika på den store dugnadsinnsatsen som er lagt ned med forventning om å få ein fleirbrukshall til ulike arrangement med og utan alkoholservering og at Storstova skulle romme aktivitetar der eksisterande lagshus er blitt for små. Hjelmås mannskor ønskjer at pkt 6b, del 1 i revidert plan inkluderer Storstova på lik linje med Nordhordlandshallen og Lindåshallen.

Bygdelaget 5915 har to hovudpunkt til framlegget til alkoholpolitisk plan:

- 1) Likebehandlingsprinsippet. Dei tre fleirbrukshallane Lindås kommune må behandlast likt, då dei er brukt likt. Difor kan ikkje Lindåshallen og Nordhordlandshallen få skjenkeløyve, men ikkje Storstova. Likebehandlingsprinsippet må også gjelda for dei komande fleirbrukshallane som kjem på Ostereidet og i Alversund.*
- 2) Forutsigbarhet. Det skal vera råd å vite på førehand kva ein kan forvente seg av handlingar frå kommunen sin side. Når teksten på nettsida til kommunen har gjeve lovnad om skjenkeløyve og når dei andre hallane har hatt og fått, er det rimeleg å rett å forvente at desse reglane gjeld også for Storstova vår. Kommunen må vera til å stola på, og det må vera råd å vite kva me som innbyggjarar kan forventa oss.*

Hilde og Lars Alvær Hagesæther peikar også på den store dugnadsinnsatsen og økonomisk støtte frå bygdefolk og lokalt næringsliv ut frå ei forventning og lovnad om at ein skulle få ein hall på lik linje med Lindås- og Nordhordlandshallen med mulighet for skjenkeløyve.

H.Sandvik A/S Entreprenør peikar på at som sponsor til Storstova er utgangspunktet for økonomisk bidrag endra frå det som vart forespeila. Firmaet ønskjer at pkt 6b, del 1 i revidert plan inkluderer Storstova på lik linje med Nordhordlandshallen og Lindåshallen.

Rådmannen si vurdering: I innspela til planen vert den store dugnadsinnsatsen og økonomisk støtte til Storstova trekt fram og som er bygd på ei forventning om, og lovnad frå kommunen om at bygget skulle kunne nyttast til arrangement både med og utan alkoholservering. Rådmannen vil berømme innsatsen frå bygdefolk og lokalt næringsliv, men vil understreke at kommunen ikkje har, eller kan kome med slik lovnad som det er peika på i innspela.

Som eit hovudprinsipp legg rådmannen til grunn at det skal førast ein restriktiv skjenkepolitikk både i fleirbrukshallar og skulebygg/kombinerte skulebygg. Dette inkluderer også Nordhordlandshallen og

Lindåshallen. Rådmannen vil som unntak opne for at ved arrangement der utleigelokale i nærområdet ikkje er store nok, kan det gjevast skjenkeløyve i Nordhordlandshallen og Lindåshallen slik det framgår av planen.

Samarbeidsutvalet ved Leiknes skule tilrår planen slik det står i framlegget. I innspelet frå SU vert det særleg peika på at skuleplassen og området rundt hallen er ein møteplass for dei fleste elevar på skulen på ettermiddag og kveldar, i vekene og i helgar. SU ønskjer å ha fokus på at skuleområdet skal vere eit trygt nærmiljøanlegg som fordrar lek, aktivitet og samhald mellom elevar og ungdomar.

Rådmannen si vurdering. Innspel frå SU ved Leiknes skule er i samvar med opplæringslova §9-5 og som er vektlagt i planframlegget.

Edru Livsstil Nordhordland (ELN) foreslår at kommunen sin rusmiddelpolitisk plan (2009 – 2012) vert revidert og at alkoholpolitisk handlingsplan vert ein del av denne. ELN ser positivt på at planen viser til alkoholovens formålsparagraf som er «å begrense forbruket av alkoholholdige drikkevarer. ELN ønskjer derfor meir informasjon i planen om alkoholsituasjonen i kommunen og foreslår bruk av aktuelle nøkkeltal som kan finnast og kommunen bør ha eigendefinerte mål for alkoholpolitikken i planperioden. ELN peikar på at det i framlegget til planen kan synast at næringspolitiske hensyn er sidestilt med helse- og sosialpolitiske hensyn. ELN meiner at eit punkt i førre plan ikkje er med i revidert utgåve som seier at spisestader er prioritert ved tildeling av skjenkebevillingar og at det må leggjast til grunn og førast ein restriktiv tildelingspolitikk ved behandling av nye skjenketillatelsar. Punktet i førre plan seier seier at» ved innstilling til sals- og skjenkeløyve skal rådmannen alltid gje ei vurdering av konsekvensar i høve til oppvekst- og bumiljø», bør også takast inn i revidert utgåve. ELN påpeikar at det bør vere eit mål å skape fleire alkoholfrie møteplassar for befolkninga i kommunen. dette gjeld i tillegg til barn og unge, også møteplassar for vaksne. ELN foreslår at kommunen fører ein ansvarleg og restriktiv sals- og skjenketidspolitikk, og at dette er særleg viktig i offentlege og private skulebygg.

Rådmannen si vurdering: Rådmannen vil vurdere om rusmiddelpolitisk handlingsplan frå 2009 – 2012 bør rullerast, eventuelt og om det vil vere hensiktsmessig å innarbeide alkoholpolitisk plan i denne slik ELN foreslår. Når det gjeld å føre ein restriktiv alkoholpolitikk og avgrense skadeverknader som alkohol kan medføre, meiner rådmannen at dette er fanga opp i formålsparagrafen både i alkohollova og folkehelselova som er sitert i innleiinga i planen. I planen er det særleg teke omsyn til å føre restriktiv skjenkepolitikk i skulebygg/kombinerte anlegg for skule.

Oppsummering av innspel frå Alver Hotel AS og Westland Hotel AS. Lindås Brygge. Spar Seimstrand

Alver Hotel AS og Westland Hotel AS foreslår endring av start skjenketid 1. og 17. mai til kl 07.00. I tillegg endring av slutt skjenketid gruppe 3 til kl 01.00 kvardagar og til kl 02.00 natt til laurdag og søndag, samt alle dagar før helligdagar og helligdagar. Det er foreslått endring av slutt skjenketid uteservering gruppe 3 alle dagar til kl 01.00. Argumentasjonen for endringane er konkurranseomsyn og handelslekkasje til omkringliggjande kommunar. Under punkt 4.3 i planen som omhandlar uteservering vert det foreslått at det i enkelthøve bør gjevast løyve til utvida bruk av musikk og underhalding også etter kl 22. Dette gjeld særleg ved større kultur- konsertar, bryllup og liknande tilstellingar.

Lindås Brygge søker om at skjenketida vert utvida fredagar og laurdagar av alkohol gruppe 3 til kl 02.00 og alkoholskjenking utandørs til kl 02.00. Bakgrunnen for ønskje om utviding av skjenketider er ønskje om same skjenketider som Bergen kommune har som er lik for alle alkoholgrupper. Austrheim kommune har same skjenketider som Lindås, men er lik for inne- og uteservering. Lindås brygge opplever det er vanskeleg å forklare gjestane at skjenketidene er strengare her enn hjå konkurrentar over kommunegrensene. Særleg krevjande er det å få forståing for at all alkohol må vere innandørs kl 01.00.

Spar Seimstrand ønskjer endring av tidspunkt for sal og utlevering av alkoholhaldig drikk, gruppe 1 frå kl 09.00 til kl 08.00 på kvardagar og tillate sal av alkoholhaldig drikk på stemmedagen.

Rådmannen si vurdering: Rådmannen vil ikkje foreslå endring av gjeldande sals- og skjenketider slik dei framgår av vedteken Forskrift om sals-, skjenke- og opningstider i Lindås kommune. Rådmannen ser at det kan vere utfordringar i høve til ulik skjenketid inne – og ute, men omsynet til dei som bur /oppheld seg i nærområdet der uteserveringa er, vert vektlagt.

Rådmannen ser at vil det vere naturleg å opne for å tillatelse til musikk og underhalding etter kl 22.00 utandørs ved større kulturarrangement, konsertar, bryllup og liknande. Rådmannen har difor lagt inn ei tilføyning under punkt 4.3 kulepunkt fire i planen: « ved søknad om utviding av skjenkeareal til ein enkelt anledning kan det også innvilgast bruk av musikk og underhalding etter kl 22.00 ved større, særskilde arrangement.

Kontrollutvalet for alkohol har handsama framlegget til revidert plan og det er kome inn følgjande kommentarer frå 2 av medlemene som har delt syn i saka:

1. Støtter utalen fra Bygdelaget på Hjelmås
Støtter utalen fra Alver Hotell og Lindås Brygge vedkomande behov for like skjenketider som nabokommunane
2. Storstova ligg på skulen sitt område og ønskjer politisk debatt om avveiging av rusfrie soner på skuleområder og definering av «særlege høve».
Opprettehalde same Sals-, skjenke- og opningstider i Lindås kommune som idag

.....

Vedlagte saksdokument:

Høyringsuttale	194603	09.11.2017
Fråsegn til alkoholpolitisk plan	194605	09.11.2017
Alkoholpolitisk plan	194606	09.11.2017
Innspel til alkoholpolitisk plan	194607	09.11.2017
Innspel til alkoholpolitisk plan - søknad om utvida skjenketid	194608	09.11.2017
Innspel til alkoholpolitiskplan - Søknad om utvida sjenketid	194609	09.11.2017
Uttale til alkoholpolitisk plan	194610	09.11.2017
Uttale til alkoholpolitisk plan for Lindås Kommune	194611	09.11.2017
Innspel til debatt ang. revidert alkoholpolitisk plan	194612	09.11.2017
Innspel til debatt ang. revidert alkoholpolitisk plan for Lindås kommune	194613	09.11.2017
Innspel til alkoholpolitisk plan	194614	09.11.2017
Innspel til høyringsutkast alkoholpolitisk plan	194615	09.11.2017
Uttale til alkoholpolitisk plan	194616	09.11.2017
Uttale til alkoholpolitisk plan	194618	09.11.2017
resultset_913_370_vedlegg1.pdf	194619	09.11.2017
Uttale til alkoholpolitisk plan	194621	09.11.2017
Kommentarer til alkoholpolitisk plan - Lindås kommune	194623	09.11.2017
alkoholpolitisk plan 2016 - 2020 - framlegg til revidert plan	194624	09.11.2017

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost